

17
Beschreibung des
schrecklichen Zeichens / so am XIII. tag Mar-
tij / fast die gantze nacht vber / zu Witteberg vnd an
viel andern orten ist gesehen worden / mit einer
vermanung D. Pauli Eberl Pfarhern zu
Witteberg zur Christlichen
bekerung.



Gedruckt zu Nürnberg / durch
Nicolaum Knorrn.

Allen Christlichen le-
sern wünscht D. Paulus Eberus/ Pastor
der Kirchen zu Witteberg.

Gottes gnad/ trost / schutz vnd seggen / durch
seinen einigen Son vnsern warhafftigen Heyland vnd Imas-
nuel Ihesum Christum/ zuvor. Günstige freunde vnd lieben
Brüder/ wir haben alhie zu Witteberg/ abermal ein gewolich
Fenerzeichen in der Luft gesehen/darob sich nicht vnbillich/ viel leut hart
entsetzt haben/die mit ernst sagen / das sie jr lebenlang nichts erschreckli-
chers gesehen hetten/ vnd wie wol ich nicht zweyffel / das es auch bey viel-
en andern weit vnd breit erschienen sey/ gleich wie auch das/ so vor e nem
Ihar/ am tag der vnschuldigen kindleinsrü vortag ist gesehen word.n/ So
hab ich dennoch solches wie es alhie/ gestalt gewesen/ so viel mit worten zu
erreichen möglich/beschreiben vñ gleich samb mahlen wöllen/auff das an-
dere wissen können/ob es bey ihnen gleich auff diese art/oder auff eine an-
dere / schrecklichere oder leidlichere gestalt sey gesehen worden.

Als am mitwoch nach Letare den eilfften Marti vom nach Mittrage
an/ bis in die nacht / ein gewolicher vngewönllicher sturm wind gewes.
war/der viel techer alhie beschediget/an andern örtern auch heuser/ schei-
nen vnd beüme vmbgerissen/vnd schiff auff der Elb mit gedreit beladen/
erseuffet hat/ Ist folgenden freitag am 13. tag Martij von acht schleglen in
der nacht an/ da der Himel schön klar vñ hell gestirnet war/fast die ganze
nacht vber/ biß die morgenröt ist angebrochen / diß erschrecklich Zeychen
gesehen worden/ welchs sich fast alle stunde verendert hat / vnd derhalben
nicht kan eigentlich abgemalet werden.

Erstlich bald nach acht vhr/ist der Himel gegen Mitternacht in zweien
winkeln ferrorrot worden/darzwischen hat sich ob der Erden auff der ganz-
en seiten gegē Mitternach ein runder weisser strich eins halben Circels
erhaben/ der sich gestreckt hat von Auffgang bis zum Nidergang/oben
etwas hell vnd weißlicht vnden gegen der Erden dunkeler/ auß welchen
vbersichwarts/weiße zugespizte länge stralē schossen / gegen dem mittel
punct des Himels / an welchem ort der Mond halb voll im zeichen der
Zwilling/helle schiene/ vnd vor im stunden nit weit von einander die drey
obersten Planeten/Satarnus/ Mars/vnd Jupiter/die sich algemach zur
erden gegen dem Nidergang gesencket haben

Dieser

MERIDIES.



SEPTENTRIO.

Dieser halber Cirkel zug sich gemach vber sich gegen dem mittel teil des Himmels/vnd erlangerte sich also/das er vmb die eilffte stunde der nacht einen ganzen Cirkel schloß / gleich wie ein Halo oder hoff/ der vmb den Monden biß weilen gesehen wird/ der seer hell leuchtet/vnd inwendig einen dunkeln runden platz lies/anzusehen / wie ein weit tieffloch/in welchem man sehen konte das gestirne Coma Berenices genant / auch die gestirne im Lewen/Zunckfrawen/vnd Boote/durch welchen ort vor vier Jahren der Comer/einem schwert gleich/seinen gang gehabt hat. Dieser kreiß ist inwendig voller stralen gewesen/die hinein warts gegē einander schosse.

Volgends ist dieser ganzer reiff oder Cirkel zerrissen/vnd in drey stücke geteilet worden / dero eins/welchs grösser / dicker vnd dunkler war/zog sich gegen Mitternacht/das ander stück/welchs kleiner/dünner vnd liechter war/ ließ sich von der höhe des Himmels gegen Mittag warts herunter/das dritte vnd schrecklichste stück/welchs dunkelbraun vnd schwarz vor/wie gelieffert blut gesehen/mit liecht oder fewr roten strimen vermenet

MERIDIES.



SEPTENTRIO.

Get/sehr: greßlich vnd schrecklich an zusehen/sondert sich von de andern bei-
den/vnd stellet sich gegen dem winckel/zwischen dem Aufgang vnd Mit-
ternacht/do die Sonne vmb S. Veits oder Johannis tag pflegt aufzugehe.

Nach der teylung vnd sonderung des Circels/sind erslich die beyde
teil/so gegen einander vber stunden gegen Mitternacht vnd Mittag/mit
außgestrackten langen stralen / gleich als mit langen spiessen zum anlauff
gefasst/wider einander gezogen/vnd gleichsam ein treffen gethan/vnd dz
Mitternechtige teil war größer vñ gieng schneller/den das Mittegige/
welchs wol seine stralen offtmals gegen dem andern theil schoß/aber dem
selbigen keinen abbruch thun fonte/vnd weil es zu schwach war/wich es
bis weylen zu rück/vnd fiel den wider in das Mitternechtig teil/von wels-
chem es doch vertrieben/vnd enlich verschwunden ist.

Vnd in dem sich die zwey theil noch mit einander arbeyten vnd streit-
ten/kompt das dritte theil / so gegen der Sonnen Aufgang sich gewand-
hat/plözlich vnd grausamlich inen entgegen/vnd greiffte beyde streitende
theil an.

MERIDES.



SEPTETRIO.

theil an. Als aber/ wie gesagt / der Mitregige zu schwach/sich entlich gar
 verlort/ist dieser dritte theil in den Mitternachtigen/der das selbt behalten
 hat/also gewaltig gedrunge/das beyde theil sich in einen hauffen vermisch
 ten/also/ das erslich beider wolcken farbe vnd strimen vnterschiedlich kon
 ten erkant werden/ aber nachmals wurden der Mitternachtigen helle wei
 sse stralen algemach von den Orientischen blutfarben verzert/vnd verwan
 delt in blutrot/ welche sich je lenger je weyter ausbreiteten/ also/ das der
 grösser theil des Himels/gegen dem Auffgang/Mitternacht vnd Nider
 gang/ein langer breiter greulicher blutstrich ward/welchs vber die maß
 schrecklich anzusehen war. Diese blutfarbe grosse lange wolcken/hat sich
 entlich widerumb zusamen gezogen / vnd ist gleich worden dem vorigen
 dritten theil/hat sich auch nach solcher blutigen victori wider an seinen vor
 rigen ort gestellet/ gegen der Sonnen Auffgang.

In des hat sich abermal mitten am Himel ein gantzer weisser freyß/
 vmb das gestirn / Coma Berenices genant/ gezogen/ welches mittel platz
 A ij duncel

MERIDIES.



SEPTENTRIO.

dunckel vnd schwarz/ sahe wie ein tieff vnd weites loch/ vnd schoß von allen orten außwärts stralen / wie pfeilen oder lange spies von sich/ vnd weret dieses schießen vber zwo ganze stunden/ weit vber mitternacht.

Enlich ward auch dieser kreiß zerrissen / vnd in etliche weisse strich oder wolcken zerteilet/ welche von einander giengen / vnd denn wider mit iren spitzigen stralen gegen einander lieffen von allen seytten/ vnd den einem andern wiche vnd wider kam/ vnd schossen gegen dem Himmel herauff mit weissen langen stralen / wie ein blitz / oder wie ein rauch oder dampff von einer lohe auffgehet. Dasselbige scharmützel vnd schießen hat also geweret / biß die Morgenröte auffgangen / vnd der morgen angebrochen ist/ vnd dem streit ein ende gemacht hat.

Was aber dieses gesicht/ vnd jedes stück desselbigen in sonderheyt/ be deutet/ wil ich andern gelerten vnd mehr erfahren aufzudencken vnd außzulegen befehlen. Daran ist aber kein zweiffel/ das solche vngewöhnliche gesicht in der Luft / zeychen sein künfftiger grosser vnruhe in Regimenten/ wie

wie solches durch langer zeyt erfahrung/ vnd aller völicher Historien/ so vor
handt sein/ kan er wisen werden. Zerrüttung aber der Königreich vnd ver
enderung der Regimente/ welche nicht one grosse Krieg/ Blutvergiessung
vnd grewliche verwüstungen geschehen können/ vnd ander vnzelige Land
scheden mit sich zihen / als zerstörung der Kirchen/ vnd Schulen/ spaltungs
gen in der Religion / verdunkelung reiner Lehr/ vnterdrückung der Ges
recht/ Recht / gemeiner Zucht vnd erbarkeyt / sind gewißlich straffen der
grossen/ groben/ bekanten sünden/ die man nit allein nicht berewet/ vñ mit
ernster bekerung durch glauben an den Son Gottes derselbigen verge
bung sucht/ vnd besserung des lebens fürnimet/ sondern auch noch diesel
ben offenbare sünde vnd vnrecht wil vngemeldet/ vngestrafte/ vnd vnanges
griffen wissen/ Ja dieselben noch vnterstehen zu beschönnen/ zuuertheidigen/
vnd die jenigen / so es ampts halben müssen wehren vnd straffen/ zu ver
uolgen/ vnd mit freuelch gewalt oder schein einer gesuchten vrsach zu tödtē.
Denn Gott ist gewißlich aller sünden also feind vnd gram/ das er dieselbe
nicht will noch kan vngestrafte lassen/ wo er sie auch findet/ Welches daran
klar zu sehen ist / das er auch seines eigenen aller geliebsten Sons nit vers
chonet/ nach dem er fremde/ das ist/ vnser sünd vnd schuld auff sich genos
men hatte. Er muste den gewaltigen Strom des ernstest vñ vntreg
lichen zorn Gottes vber sich ergehen lassen / Vñnd blutigen Schweys
schwizen/ vnd das gericht Gottes also tieff fühlen / das er am Creutz auff
schrie/ Mein Gott Mein Gott/ wie hastu mich verlassen. So straffe er mit
zeytlichen plagen die groben sünde auch in seinen Heyligen/ wenn sie sicher
werden/ vnd wissentlich Gottes gebot vbertretten/ ob sie gleich jnen nach
mals dieselben lassen leid sein/ vnd vmb vergebung der selben/ Gott hertz
lich anrufen/ vnd dieselbe durch glauben gewißlich erlangt haben/ wie im
Exemp: Davidis klar zu sehen ist/ 1. Reg. 22. Den der Prophet Nathan
absoluiet vñ tröstet/ nach begangenem Ehebruch vñ Mord/ da er spricht/
Der Herr hat deine missethat weg genommen. Nichts desto weniger/
züchtiget in Gott trawen sehr hart/ das in ein hertzen leyd vnd Landstraff
vber die ander bezegnet. Wie solt denn Gott/ der fremde sünd an seinem
Son nicht vngestrafte gelassen / vnd die bußfertigen sünden nach der be
kerung dennoch züchtiget/ eigene sünd in denen vngestrafte lassen / die sich
der selben nicht schewen/ nicht schemen/ kein Rew vnd Leyd darab haben/
keine vergebung suchen/ keine bekerung fürnemen / Ja die noch wollen in
öffentlichen vntugenden vnd lastern vngetadelt vnd vnuermanet sein/
wie es denn jtziger zeyt in der welt leider in allen stenden bey vielen einge
rissen ist vnd im schwang gehet. Es hat aber Gott diesen gebrauch für
vnd für im menschlichen geschlecht gehalten/ das wenn Sünd vnd irthum
men

men vberhand genommen haben / Er sein Heyliges wort clerer gegeben hat/dadurch die irthum vnd Abgötterey neben andern Sünden angezeyget vnd gestrafft wurden/die irrende vnd groben sündler zur erkenntnuß der reinen warheyt/vnd zur buß vnd bekerung gelocket/den bußuertigen vnd umbkerenden gnad/vergebung jrer Sünd/auffhebung oder linderung der straffen angebotten / den vnbusuertigen aber vnd halstarrigen Sündern/Gottes grewliche gericht/zorn vnd straffen auß Gottes waren vnd ernstē bedrawungen/vnd schrecklich Exempeln verkündiget wurden.

Dargegen aber helt der grösser theil der Welt auch einen sonderlichen gebrauch/lesset Got durch seine diener predigen/verwarnen/gnad anbieten/zur buß vermanen / gewohnet solcher mündlichen Predigt/verachtet die Kirchen diener mit allem irem sagen vnd schreien/ verharret mutwilliglich in Sünden/wider gewissen/ verfolget noch trewe verwarner vnd anhalter zur bekerung/vnd trotzet also Gott mit seinem Predigamt/welches er durch seinen Son / zur errettung vnd seligmachung/des Armen verderpten vnd verdampfen menschlichen geschlechts / angerichtet hat/vnd gnediglich erheldt. So hett nu Gott genugsame vrsach/dieselbe verstockte halstarrige Welt also bald in abgrund der Hellen zustossen/oder wie die erste Welt/ mit einer gemeinen Sindflut auß zutilgen/oder wie Sodom vnd Gomorra mit Schwuel vnd Pech vnd Feuer von Himel auff einmal zuuerzeren vnd weg zu reumen/zu einem ewigen zeugnis seines gerechten zorns wider solche trotzige mutwillige verachter/alle Götlichen vermanung/vnd freundlichen lockung zur bekerung/so er durch seine diener im Wort vnd Predigamt leßt für tragen. Aber dicweyl er Gott ist/onendlicher güte vnd barmherzigkeyt/zürnet er nicht wie ein Mensch/der bald im ersten anbrennenden zorn/ einen andern menschen/ von dem er beleydigt ist/gedenckt plötzlich gantz vnd gar umbzubringen vnd auffzureiben/ Sondern gedenckt vnd braucht in seinem gerechten zorn auch der barmherzigkeyt / wie er sagt Osea am 11. Mein volck hat keine lust sich zu mir zuteren/ vnd wie man jnen Predigt / so richtet sich keiner auff/ zu hören/was soll ich auß dir machen Ephraim? Wie soll ich dich doch plagen Israelt? Soll ich nicht billich ein Adama auß dir machen? Vnd dich wie Zeboim zurichten? (das waren zwo stette auß den fünffen/die mit Sodom vnd Gomorra durchs feuer verderbt wurden) Aber mein hertz ist anders sinnes/ meine barmherzigkeyt ist zu brünstig/das ich nicht thun will nach meinem grimmichen zorn/ noch mich feren / Ephraim gar zu verderben/Denn ich bin Gott/vnd nicht ein Mensch / vnd bin der Heylige vnter dir. Das ist/ ein mensch zürnet one barmherzigkeyt/ vnd suchet auß rachgirikkeit/seines widersachers entlichs verderbē/ aber Gott zürnet mit gnaden.

gnaden/ vnnnd da er gleich seinen zorn sehen lesset mit verkündigung oder
übung der straff/ so sucht er doch fürnemlich dardurch des sünders besse-
rung/ bekerung/ vnd ewiges heyl/ wie er mit seinem ernstern Eyd betewert
Ezechiel: 33. So war als ich lebe / spricht der Herr **HERR**/ Ich hab kei-
nen gefallen am Tode des Gottlosen/ sondern das sich der Gottlose bekere
von seinem wesen/ vnd lebe. So bekeret euch doch nu/ von ewerem bösen
wesen/ Warumb wolt ihr sterben/ ih: vom hause Israelz

Auß dieser grundlose güte vnd barmherzigkeyt Gottes/ volget die/ **die**
das Gott nicht allein durchs mündliche wort im Predigamt die rohlose
Welt verwarnt/ vermanet/ vnd zur busse locket vnd treibet / sondern da
dasselbe der diener Gottes predigen/ ruffen vnd schreien bey dem größern
hauffen/ vergebens vnd verlorn ist/ vnd veracht wird/ stellet ehr andere vng-
gewöhnliche Prediger auff/ die auffnewe / vnd aber seh: schreckliche weiß/
Gottes zorn vnd straffen verkündigen müssen/ als Sonn vnd Monden ver-
finstert/ Sternen vngewöhnlicher art vnd gestalt/ Item mancherley sewer/
brunst/ vnd bildnuß in der luft/ vnerhörte grausame schedliche sturmwin-
de/ blutregen/ sewerregen/ Item das die Erde vor vngedult ober die böß-
heit der vndanckbaren Welt/ vnd vor fürcht der künfftigen gewulichen ver-
wüstungen vnd blut vergießens/ an vielen orten erzittert vnd erbidmet/
oder an andern orten blut schwizet/ vnd mit gewaltigen quellen blut auß-
spriet/ Item die natur bildet gewuliche schreckliche gestalt vnd Monstra-
in Menschlicher geburt/ vnd vnuernünfftigem viehe/ dadurch anzuzeygen
das die Menschen dem bild Gottes/ nach dem sie geschaffen sein/ vnd les-
ben solten/ je lenger je mehr vnehnlich vnd vngleich werden / ein wildes/
rohes/ vnmenschliches/ viehisch/ ja wol biß weilen Teuffelisch leben führen.

Dieses alles nennet man Zeichen vnd Wunder/ wie sie denn auch sein/
vnd sollen dafür gehalten werden/ dadurch Gott dem Gottlosen hauffen/
der das Wort vnd mündliche Predigt ganz veracht / auffnewe weiß pred-
igt/ vnnnd starcke vermanungen thut zur Busse/ vnd daneben seine gnad-
anbeut/ vnd da dieselbe auch dazumal veracht wird/ ernstlich trohet durch
solche zeichen/ gewuliche vntregliche straffen/ die ehr auch sichtlich bisweis-
len fürmahlet vnd fürbildet/ wie sie ergehen werden/ wie wir denn in dies-
sem gesicht dreier gewaltiger hauffen feindseliges treffen/ vnd folgendes ei-
nen grossen breiten strich schreckliches bluts gesehen haben/ Durch welches
gesicht gewuliche verwüstungen vnd blutvergiessung durch krieg vnd auff-
thuren verkündigt werden. Welche schreckliche gestalt/ die niemals one
grausame folgende landscheden sind gesehen worden/ solten ja ein steinern
hertz erweichen vnd bewegen/ das es doch in sich schläge vnd gedechte/ das
ein Gott sey/ der der sünden feind sey/ dieselb ernstlich straffen wöl/ hic zeit
B lich

lich/ vnd dort mit ewiger verstoffung/ wo nicht vergebung der selben durch
warhafftē ernste bekerung/ vnd vertrauliche zuflucht zu dem einigen gnas
denstuel vnd Mittler/ vnsern Herrn Jesum Chrustum gesucht vnd erlange
werde/ welcher auch herzlich geneigt vnd begierig ist/ solche gnad vnd ver
söhnung mit Gott/ die er so tewer mit seinem bitterm leyden/ todt vnd blut
uergießen erworben hat/ reichlich vnd vüwegerlich mit zu teilen allen sün
dern/ wie groß/ wie vielfaltig/ wie heuffig vnd schwer sie mit sünden belas
den vnd verunreinigt sind / so sie nur solche ire sünd erkennen/ ein herzlich
leid vnd schmerzen darob haben/ vmb gnad bitten/ vnd die selben mit ves
stem glauben an den Son Gottes vnnnd Heyland der welt/ auß dem wort
des Euangelij/ offentlich oder in sonderheyt ihnen verkündigt/ fassen vnd
annemen/ sich der selben gnaden Gottes durch Chrustum ihnen geschendet/
trösten vnd frewen/ vnnnd anfangen der sünden feind zu werden/ vnd sich
üben vnd fleissigen/ solchen Glauben in einem gütten gewissen/ wie Paulus
sagt/ zubehalten vnd zuerzeygen / Wie er denn solche arme beschwerte sünd
der selbs freundlich zu sich nicht allein locket / sondern auch ernstlich heffet
vnd treibet/ do er spricht/ Matth: xj. Kommet her zu mir/ alle/ die ihr mühs
selig vnd beladen seyt/ Ich will euch erquicken etc. Vnd saget anderswo/
das er eben derhalb in die welt komen sey / menschliche natur an sich genos
men hab/ diesen schweren gehorsamb seinem Himlischen Vatter zu leyden/
das er sein leben gebe zu einer erlösung für viele / Math: 20. Marci 10.
Suchet vnd widerbrecht das verlorne war/ vnd die Sünder ruffet zur bus
se/ Matth: 9. Wie er sagt Luc: 9/ Des Menschen Son ist nicht komen der
Menschen seelen zu verderben/ sondern zuerhalten/ Vnd Johā: 3. Gott
hat seinen Son nicht gesand in die Welt / das er die Welt richte/ Sondern
das die welt durch in selig werde/ wer an in glaubet/ der wird nit gericht.

Da sich nu jemand auß dem Gottlosen hauffen/ Der zuuor sich die
mündliche predigt nicht hat wöllen zur bus vnd bekerung bewegen lassen/
durch diese schreckliche vngewönlich predigten der wunderzeichen erweis
chen leffet/ das er in sich schlecht / sein Gottlos leben erkent vnd beklagt/ zu
wort d/s heyligen Euangelij lauffet/ trost vnd vergebung der sünden vmb
des Mittlers willen darinn angeboten/ mit ernstem glauben suchet vnnnd
fasset/ vnd gedencket von seinem rohlosen leben ab zustehen / vnd einen ne
wen gehorsamb anzufahen / der wird gewißlich zu gnaden angenommen/
vnd entflehet der ewigen straff/ vnd verdammnis / vnd wird ein Kind vnd
Erb des ewigen Reichs/ Wie Ezechiel klar sagt / am 18. Cap: So bekert
euch von aller ewer vbertrettung/ so werdet jr nicht fallen müssen vmb der
missethat willen/ werffet von euch alle ewre vbertrettung/ vnd machet euch
ein new hertz vnd neuen Geist/ denn warumb wiltu also sterben du hauff
Israels

Israel: Denn ich hab kein gefallen am Todt des sterbenden. / Spricht der
Her: **HERR** / Darumb beferet euch / so werdet jr leben / Vnnd der sich also
ernstlich beferet / der wird nachmals entweder gar gefreiet vnd erlediget
aus der gemeinen Landstraffen / oder / da er gleich mit andern muß gemei
ne last tragen / so ist jm doch dieselbe so leicht vnd gering gemacht / durch
dise inwendige freud vnd trost des gewissens den der heilige Geist durchs
wort vñ den glauben in seinem hertzen angezündet hat / das er die scherpff
vnd bitterkeyt der eufferlichen kurzen straffen / vnnd des leiblichen todes /
nicht fühlet noch achtet / sondern sein getrost hindurch dringet / vnnd mit
frölicher gedult alles gern treget vnd leydet / die weil er weiß / das jm sol
cher Tod nur eine fürderung ist zur ewigen freud vnnd ruhe / des wir ein
Exempel haben am bußuertigen Schecher / der neben dem **HERRN** Christo
henger / vnd sich desselben gehöret wort vnnd gebet am Creutz / euch die
verfinsterung der Sonnen / das schreckliche Erdbeben / vnd zerreißen der
felsen / bewegen lest / das er sein Gottlos wesen erkent vnd beklagt / vnd dis
sen neben jm hangenden vnd verlesterten menschen Ihesum / für der wele
Heyland / für den verheissenen ewigen König / vnd für Gottes Son erkem
net vnd anruffet mit glaubigem hertzen / von dem er auch absoluiert / vnd
des ewigen Paradises vertröstet / vnd mit einem Eide versichert wirt / nach
welchem emfangenem trost er nachmals mit gedult vnd freudē jm die bein
brechen leset / vnd verlanger ihn nach dem Todt / damit er nur bald möche
bey disem seinem Heyland im verheissenen Paradis sein. Dises Exempel
sollen sich alle Sünder vnd sünderin trösten vnd locken lassen / das sie sich
ihre grosse vielfeltige vbertretung vnd verachtung Götlichen worts nit
abschrecken lassen / von der im wort angeborenen Gnad / sondern diselben
getrost mit glauben fassen / vnd schliffen / das sie in solcher ernstler beferung
gewißlich vmb des Mittelers willen zu gnaden / vnd zu Kindern Gottes
angenomen werden. Die andern aber im Gottlosen hauffen / die weder dz
Wort im Predigamt / noch die Wunderzeychen wdilen sich bedrauen vñ
schrecken lassen / von ihrem rohlosen wesen abzustehen / sondern werden in
irem mutwillen nur verharter vnd frecher / die weil die verkündigten straff
sen nicht von stund an auff die schreckliche zeichen hernach folgen / gedens
cken also sie geschehen on gefehr / vnd bedeuten nichts böses / halten die and
ern für narren / die sich vor den selben entsetzen / oder einige straff fürcht
ten: Dise heuffen ihnen Gottes zorn / vnd zihen jnen auch die ewige straff
sen / zu den zeylichen / vber den bals / die weil sie die grundlose güte vnnd
barmhertzigkeyt Gottes also trotziglich verachten / da er nicht bald solchen
zorn mit den zeychen außgeuffet / sondern auß veterlicher langmützigkeyt
vnd gedult mit der straff jnenn helt vnd verzeucht / auff das er zum ober
B ij flus

Aus den Gottlosen geraume zeyt gebe zur Busse/damit sie ja kein entschuldigung haben können/sie sind verkürtzt oder vberleitet wordē mit der straffen/ehe sie zur bekerung haben kommen mögen. Also hat er der verderbten Welt lang zuuo: durch die Predigten Nohe/ vnnnd one zweyffel durch viel schreckliche zeychen/die Sündflut verkündigen vnd troben lassen / vnd die straff hundert vnd zwentzig jar hernach verzogen / damit die Gottlosen zeyt hetten zur Bus / vnd mittler weil die frommen Gotteseligen Vetter algemach durch dē natürliche tod genūē/ehe sie dise grosse jamer der welt anschawten. Also hat er mit der zerstörung Jerusalem / die Christus selbs verkündigt/ vnd viel grewlicher gesicht vnd Zeichen getrohet hetten/vierzig Jar verzogen/damit die Jüden zeyt vnnnd raum hetten / auß der Apostel leh: vnd Predigten sich zubekeren/vnd die getrohte straffen mit censter buß abzuwenden / Wie die Bürger zu Ninise nach gehörter Predigt des Propheten Jona thetten / vnnnd der verkündigten straff auff das selb mal entgiengen. Aber die verstockten Gottlosen Jüden mißbrauchten dise gedige langmütigkeyt vnd gedult Gottes/ Also/ das sie nicht allein dise vergebene zeyt nicht brauchten zur besserung ihres sündigen lebens/ sondern zur grössern verhartung/ vnd die zeychen gar verachten/dieweil die straff nicht bald drauffergien/ vnd fuhren fort mit irem mutwillen/wie der Apostel Paulus ernstlich klagt vnd schilt/Ro. 2. Denckestu aber o Mensch der du richtest die/so solches thun/ vnnnd thust auch dasselbige/ das du dem vrrheil Gottes entrinnen werdest? Oder verachtestu den reichthum seiner güte/gedult vnd langmütigkeyt? weisstu nicht/das dich Gottes güte zur Busse leydet? Du aber/nach deinem verstockten vnnnd vnbusuertigen hertzen/heuffest du selbs den zorn auff den tag des zorns / vñ der offenbarung des gerechten gerichtes Gottes / welcher geben wird einem jeglichen nach seinen wercken / Nemlich Preis vnd Ehr vnd vnuerhengliches wesen/denen / die mit gedult in guten wercken trachten nach dem ewigen leben/ Aber denen/die da zencckisch sind / vnd der warheyt nicht gehorchen/gehorchen aber dem vnrechten / vngnade vnd zorn/ trübsal vnnnd angst vber alle seelen der menschen/die da böses thun/nemlich/die also williglich vnd sündserziglich in Sünden wider gewissen verharren.

Vber solche / die alle ver warnung durchs wort vnd Wunderzeichen geschehen / auch der gegebenen zeyt zur bus / vnnnd auffschub der straffen/ verachten vnd mißbrauchen / Kommen nachmals die verkündigten straffen mit hauffen/ vnd reissen ein/ wie ein grosses gewaltiges Meer durch einen damm durch bricht/ vnd ein Land vberschwemmet/ vnd alles das es trifft/ verderbet vnd erseuffet/on alles wehren / retten oder steuren/da hilffe kein schreien beten oder stehen zu Gott / Wie Saloman sagt/ Prouerb.: 1. Esa: 65. Jerem :

65. Zertm:7. Mich:2. Das Gott als denn nicht mehr erhören / sondern
sein angeſicht vor dem Gottloſen verbergen wollezur zeyt irer not/dieweil
ſie die zeyt irer heimsuchung nicht war genommen vnd erkant haben. Vnd
ſind doch ſolche leibliche plagen vnnnd verurteilung nur ein anfang vnd ein
gang zur ewigen ſtraffen/welcher gröſſe vnd grausamkheyt kein menſchlich
hertz bedencken oder faſſen kan.

So ſehet nu ein jeder drauff/wie er Gottes wort höre/vnd wie er dieſe
ſe ſchreckliche zeychen anſehet/ auch wie er die zeit anlege vnd gebrauchet/in
welcher Got nach den geweſten zeichen die getrohere ſtraffen auffzeucht.

Das Wort iſt ja hell vnd rein am tag/Es wird öffentlich in der Kir
chen von der Cantzel / vnnnd in Schulen verkündigt vnnnd außgelegt/es iſt
deutlich vnd eigentlich verdolmetscht/das mans nu mehr faſt in allen ſpra
chen bekommen/vnd ein jeder in ſeinem hauß mit ſeinen kindlein vnd ge
ſind leſen vnd hören kan. Es iſt durch erleuchter geiſtreicher meiſter ſchriſt
licher außlegung erklet nach der leng/ auch in ſeine kurze Summas vnnnd
Catechiſmos gefaſſet/die wol zuverſtehen vnd zubehalten ſein/Es iſt in reis
ne vnd Chriſtliche geſeng verfaſſet/ das mans ob der arbeit/vnd im reifen
ſingen vnd betrachten kan / Es wird vns auff mancherley weyß mit bild
nuffen für die augen geſtellet / Es hat auch Gott auß ſonderlicher genad
zu diſen letzten zeyten die Druckerrey anff komen vnd gemein werden laſ
ſen/dadurch man nach einem Exemplar in kurzer zeyt viel tauſent Exem
plar nachdrucken/vnd nütze Bücher ſchnell weit außbreiten/ vnd vmb gar
ein geringes gele erkauſſen vnnnd zeugen kan / da zuuor mit groſſer mühe/
langer zeyt/groſſem vnkoſten / fewenig Bücher haben mit der hand außge
ſchrieben/vnd tewer erkauſt müſſen werden/ vnd ſind doch nödtige Bücher
nicht vmbſ gelt zu bekommen geweſen. Das Wort Gottes rein vnd klar
vber die maß reichlich nun vber 45. Jar bey vns vnd an andern landen ge
weſen/trewlich gelehrt vnd getrieben/vnd weit außgebreitet worden iſt.

So haben wir daſelbe zu hören/zu leſen/vnnnd zuverſtehn/allerley be
quemigkheyt/ruhe/ſried/gelegenheyt gehabt/vnd diſe 45. Jar keine verhin
derung oder verſolgung in diſen Landen gefühlet/ außgenommen den ei
nigen zug der Hiſpanier/welcher ſich doch bald abgewendet/vnd gnedig
lich/one endliche verwüſtung der Kirchen/ Schulen/ Regiment/abgangs
gen iſt. Neben dem Wort/hat Gott jimmer andere Beyprediger mit an
gehendet/ſonderlich die letzten fünfzehnen Jar her / Als mancherley Wun
derzeychen am Himel/in der Luſt/ auff Erden/an gewechs/an leibfrucht
vnd andern dingen/Welcher zeychen ſo viel nach einander/an ſo viel orten/
ſo mancherley art ſich erzeygt haben/das ich genglich dafür halt/ſo viel ich
in Hiſtoris mich hab erkunden können / das kein zeyt jemal in wenigen

B ij Jaren/

Zaren/ mehr/ grössere/ wunderbarlichere/ schrecklichere/ öfter widerholte
zeychen/ gehabt habe/ als dise nechst verschinene sünzehen oder sibenzehen
jar/ vnd hat desnoch der gütige/ langmütige/ gedultige Gott/ die getroete
landstraffen jimmerdar auffgehalten/ vnnnd noch bissher gnediglich diser
lender verschonet. Die weil aber die Zeychen vnnnd Wunder je lenger je
schrecklicher vnd gehensster sich erzeygen/ vnd (welches das gewisset vnnnd
vbertreglichst Zeychen der nahe verhandenen straff ist) die Welt nur Wild
der/ frenel/ trotziger vnd verstockter wird/ ist nicht zu hoffen oder zu ge
dencken/ das die straffen lang aussen bleiben werden.

So sind nu in vnsern Kirchen vnd Landen die Zuhörer allzugelert/
vnd des Worts müde vnd vberdüßig worden/ leben in sicherheyt/ mißbrau
chen der Chrißlichen freyheyt/ Euangeliums/ vnd Religion/ zum deckel vñ
beschöpfung allerley schand vnd vntugent/ werden nicht allein vndandbar
vngütig/ vnd biß weilen viel zu hart wider trewe Lehrer vnd Prediger/
sondern entziehen auch den Kirchen ihre beste güter vnd einkommen/ von
frommen Gottliebenden leuten zur erhaltung des Predigampts vnd Got
tesdiensts geschendet/ Daruon arme verlebte/ gebrechliche Diener des
Worts/ auch derselben verlassene Witben vnd Waisen/ solten vnterhalten/
arme wolgeschickte Knaben zum studijs verlegte/ die Hohen vnnnd andere
Schulen vnd Consistoria besser bestellet/ die Kirchen vnnnd Schulgebew
nordürfftiglich gebessert/ etwas stadlichs auff nötige Visitationes der
Kirchen/ mit verbesserung der geringen besoldungen/ gewendet werden.

So nimbt vberhand allenthalben/ allerley vntugend/ vnoordnung/ ver
achtung aller trewer Lehr/ vnd verwarnung/ aller disciplin vnd Erbar
heyt/ vnnnd wechset im jungen volck eine vnmenschliche wildigheyt/ halbstar
righeyt/ vnd vngheorsam/ die weil alle regierende Stende in hohem vnd ge
ringen Emptern/ vnachtsam/ hinlessig vnd treg werden/ öffentliche laster
zu straffen/ vnd gewliche vnoordnung abzuschaffen/ vnnnd nur dahin sehen/
wie sie der vnterthanen auffß höchst genießten/ vnnnd mit derselben schaden
vnnnd verderben reich werden können. Vnnnd wer wil oder kan alle
solche gewliche ergerniß der gegenwertigen Welt erzelen/ darüber alle
vernünftige Leut klagen/ vnnnd bekennen/ das solchs robes vnd denliches
wesen nicht kñnn lang bestehen/ es müsse in kürg brechen/ Wie den der Hil
mel sich in Blut vnd Feuer darob verferbt/ vnd die Erden erzittert/ vnnnd
alle Element sich dermassen erzeigen/ das eine grosse verenderung verhand
den sein müsse. So lasset vns nu vmb Gottes vnd vnser eignen Heils
vñ seligheyt willen solche ernste/ getrewe/ Vetterliche warnung Gottes/
die er vns durch sein heilsams Wort/ vnd durch so viel Zeichen thun lesset/
bewegt werden/ das wir Erslich vnser eygen leben/ wandel vnnnd stande
fleißig

fleßig anschauen/ vnd betrachten/ wie wir vns bisher darinn gehalten haben/ vnd da wir dasselb mit wissentlichen groben Sünden vnd Lastern belect vnd besudelt befinden / zur ernstten Buß greiffen/ vnd vns die vergangene Sünd lassen hertzlich leid sein/ vnd erschrecken für Gottes ernstten Zorn/ der vns so manigfaltig verkündigt vnd getrohet wird.

So wird Gott gewißlich/ seiner warhafften zusagung nach/ gemeine Landstraffen von vnsern Birchen vnd Hütelen abwenden/ oder aber/ da wir et was von den selben fühlen musten/ zu vnserer züchtigung vnd vnterweisung (wie den die Rutten fromme Kinder macht) wird er dieselben züchtigung also messigen/ vnd mit gnaden vnd Trost des Heyligen Geistes lindern/ das wirs nicht allein wol vnd sanfft tragen können / sondern auch nachmals ihm dafür mit freuden danken/ vnd mit dem Propheten David sagen werden: Es ist mir lieb vnd gut / das du mich gedemütiger hast/ auff das ich deine Rechte lernet/ Psal: 119. Das ist: Deine gnedige Vetterliche züchtigung hat dieses bey mir gewirckt vnd außgericht/ das ich mich nu neher vnd lieber zu deinem Wort halte/ dasselbe mit größerm ernst höre/ vnd besser versicht/ vnd behalte/ auch ernster bete/ vnd dir fleißiger danck sag / vnd deiner erfarnen güte vnd gnediger hülff fort hin beständig vertraw/ denn ich zuvor gerhan habe.

Diese vermanung hab ich Chriftlicher wolmeinung thun wollen/ fürnewlich diser Birchen gliedmassen halben/ sie vor schaden vnd ihrem verderben zumerwarnen / Welches durch dise schreckliche Gesicht/ allen vns büßfertigen vnd Verrechtern verkündigt wird.

Die weil denn dise vngewöhnliche schreckliche Spectakel in so fürtzger zeyt nach einander vns für die augen gestellet sein / die one verkündigung grosser straffen vnd plagen nicht sein können / ist zu rathen/ das wir neben der ernstten bekerung von sünden/ Gott von grund vnser hertzen anrufen das er mit gnaden/ vnd nicht nach vnserm verdinst mit vns handeln wöl/ das wir also mit Jeremia schreien: Züchtige mich HERR/ doch mit massen/ vnd nicht in deinem grim/ auff das du mich nicht auffreibest. Gott der Ewige gürtige Vatter vnser HERR vnd Heylands Ihesu Christi/ wöl sich vnser gnediglich erbarmen/ sein Birchen vnd reines Wort erhalten/ vnd vns durch dasselbe mit seinem Heyligen Geyst lehren/ erleuchten/ regieren/ stercken/ trösten/ vnd heyligen zum ewigen leben Amen/ Datum Witteberg am tag Ambrosij des 1 5 6 2. Jars.

D. PAVLVS EBERVS PASTOR
Ecclesie Wittebergensis

99

Faint, illegible text, likely bleed-through from the reverse side of the page.

Fragment of text from the adjacent page, including a red initial 'S' and some black text.

